

# 3 JOHANNES - 3 JOHN

1

## HOOFSTUK 1

**D**ie ouderling aan die geliefde Gajus wat ek in waarheid liefhet.

<sup>2</sup> Geliefde, ek wens dat dit met jou in alles goed mag gaan en dat jy gesond is, soos dit met jou siel goed gaan;

<sup>3</sup> want ek was baie bly as daar broeders kom en van jou waarheid getuig, soos jy in die waarheid wandel.

<sup>4</sup> Ek het geen groter blydschap as dit nie, dat ek hoor dat my kinders in die waarheid wandel.

<sup>5</sup> Geliefde, jy handel getrou in alles wat jy doen vir die broeders, en dit vir vreemdelinge,

<sup>6</sup> wat van jou liefde voor die gemeente getuig het. Jy sal goed doen as jy hulle voorthelp op 'n voor God waardige wyse.

<sup>7</sup> Want vir sy Naam het hulle uitgegaan sonder om iets van die heidene te neem.

<sup>8</sup> Ons behoort dan sulke mense goed te ontvang, sodat ons mede-arbeiders van die waarheid kan word.

<sup>9</sup> Ek het aan die gemeente geskrywe, maar Diótrefes, wat onder hulle die eerste wil wees, steur hom nie aan ons nie.

<sup>10</sup> Daarom, as ek kom, sal ek hom herinner aan die werke wat hy doen deur met slegte woorde teen ons uit te vaar; en hiermee nie tevrede nie, ontvang hy nie alleen self die broeders nie gasvry nie, maar verhinder ook die wat dit wil doen en werp hulle uit die gemeente.

<sup>11</sup> Geliefde, moenie navolg wat kwaad is nie, maar wat goed is. Hy wat goed doen, is uit God; maar hy wat kwaad doen, het God nie gesien nie.

<sup>12</sup> Van Demétrius is deur almal getuienis gegee en deur die waarheid self; en ons getuig ook, en julle weet dat ons getuienis waar is.

<sup>13</sup> Ek het baie dinge gehad om te skrywe, maar ek wil nie met ink en pen aan jou skryf nie.

<sup>14</sup> Maar ek hoop om jou gou te sien, en ons sal van mond tot mond spreek. (1:15) Vrede vir jou! Die vriende groet jou. Groet die vriende by die naam.

For other languages please go to [www.wordproject.org](http://www.wordproject.org)